


於于野譚地



於于野譚卷之二

古之文人談說之間多有對語蓋原於聯句也王荊公謂劉貢父曰三代夏商周可有其對乎貢父即對曰四時風雅頌荊公拊髀曰天生對也遼使以三光日月星索對東坡荅曰四德元亨利或曰貞字君何東坡曰聖諦更妙其他古今酬酢對語如五行金木水火土對以四位公侯伯子男紀信韓信假帝假王對以仲尼牟尼大聖大覺李陽指李樹為姓生而知之對以馬援以馬革裹屍死而後

已蟬以翼鳴不啻自其口出對以龍將角聽
謂其不足於耳歟

我成廟朝時有嶺南一士人失其名來京
師一日入泮宮欲與諸生同做諸生不許士
人益聊而歸過宮墻門見門內溪園花木滿
苑因前進周觀時上以肩輿出來士人不
能隱出伏於前上問汝是何人敢入此他
士人以實對之上曰汝能詩乎士人曰粗
解耳上出一句使續曰金銀非寶良臣寶
士人即對曰日月非明聖主明上大喜

之謂曰國家設科本為取才而汝則文才余
郎試之當及第因結紅牌曰汝懷此牌入泮
宮誇之曰君輩雖不許我、既登科若不信
出此紅牌而示之生如其教一泮之人莫不
驚歎噫士人以此對竟至登科士之遭遇信
有時

明太宗皇帝於上元日出一句下羣臣使續
待曰燈明月明大明一統有一臣對曰君樂
臣樂永樂萬年永樂太宗年號也
烟鎖池塘柳此詩唐天使所作矣烟字火也

鎖字金也池字水也塘字土也柳字木也一句之中具金木水火土五行

一張琴上七條絃彈出五音六律此對天

使姜曰廣作遠接使北渚金璽續對曰百花

叢裡三春色粧得千紫萬紅

按黃魯直孫莘老同在館中一日聚飲行令

一人曰戊丁為成添血盛或曰王白為珀得

碧石或曰里予野土墅黃云木女委鬼魏劉

未荅黃遽云僕當奉以來力勅正整此則聯

屬作字者也岳正公與夏公墳飲出令曰余

字有五人下列衆小人上侍一大人所謂有
福之人一服事無福之人服事人夏云爽字
有五人旁列四小人中藏一大人所謂人前
莫說長短話始信人中更有人此則釋字為
為句者也碣石獨立峴山自顏姜女已去孟
子不來此則破補成字者也鉏麇觸槐甘作
木過之鬼豫讓吞炭終為山下之灰二人土
上坐一月日邊明人芝門內閃公向水邊沿
半夜生孩及子難定兩家作配已酉為佳人
曾作僧人弗能作佛女卑為婢女又可為奴

此則分合為字者也。蓋皆出於文人雅戲也。
南相國九萬常按闕北時得朱紫陽註解。忝
同刊之。自序卷末又破字為八句。書其尾曰
揮鉏擲金盞。取諸寅戴冠。小心橫目履。丁一
直一平開口吞。午先撇為暘。後句成乙。夔首
禹股。富胎。歲甲。震來得。兩人往。坐夏立。跟肯
良飲酪。避酉左。從諧韻。左乃用。戊所謂。宜寧
南九萬雲路識也。其集畫做字之工。可作楊
修取義造語之對也。

余嘗從金斯百錫胄于牛川。邳榭韓肯世構

亦同會一日酣飲斯百出一對曰豈八林中
還作樹余應曰鳥來江畔便為鴻余又出一
對曰鹿非無角還為馬斯百應曰鷄不食章
誤認鳳斯百又出一對曰靈作瑤臺湯不代
余指肯世曰君可續對肯世應拜曰水成銀
屋禹難平斯百謂禹平水土不可謂之難平
難之字宜改以能字肯世然之即改下之
林白湖悌羅州人也能文章豪邁不羈之士
也將向湖南時當仲春路傍鄉生輩作花煎
會方呼韻賦詩白湖看蔽陽衣藍縷直趨而

進曰行人飢甚適值盛會願霑餘漑諸指大
辛甚吟咏若有所思未知甚事諸生吾輩方
作風月汝何唐突我佳思白湖曰所謂風
月者何謂也諸生曰風月者乃觸物起興寫
出景象者也汝亦解字否白湖曰文字則余
何敢解之耶當對以俚語指大須以文字記
之隨書便成一絕其詩曰鼎冠撐石十溪邊
白粉清油麝杜鰲雙箸挾來看滿口一年春
色觴中傳諸生相顧異之問其姓名白湖曰
我乃林悌也諸生大驚近之上座

權石洲輯詩名籍世兒童僕隸皆識姓名膏
過鄉村遭雨留滯於座首家鐘底有鄉士五
六人會飲賦詩石洲着藍縷進拜席末座中
問曰爾是何人石洲鄙生非文非武口業販
貨將往萊州適值盛會偶露殘盃以潤飢腸
諸生方把盃吟哦謂石洲曰爾能知此味乎
石洲佯為避辭曰若余貧賈安能知之不審
諸公吟哦有甚意味耶此乃觸物起興厲風
景蓋詩中之畫也一人誇其所作曰我之此
句雖李白必讓一頭一人又曰我之此聯實

杜甫所未發者一人又蹙眉而言曰吾詩恐
折也左右曰何謂也荅曰觀夫木乎至高則
為風所折也吾詩格甚高亦恐折也是以憂
之相與抵掌較其優劣因與石洲酒曰爾雖
不文雖以俗談作句以證吾輩一粲石洲飲
訖郎題一絕曰書鈞年來兩不成非文非武
一狂生他時差到京城向酒肆兒童盡誦名
諸生覽畢曰眩哉、、爾能作此試不偶然
一人笑曰詩則佳矣但爾名有誰知之者然
試言之石洲曰鄙生乃權輅也諸生相顧驚

愧下席羅拜自古賢人達士潛光玩世多矣
莫有辨於驪黃牝牡之外其不為鄉士之待
二公者幾希矣

嶺南姓呂忘其名者得明經科為湖西亞使
一日携諸妓般遊至白馬江中流顧謂諸妓
曰美哉古國之勝地一妓對曰曾見遊此別
星無不感古賦詩今日席上獨無一詩乎呂
不能賦詩而惡其取侮於妓半日捫髭僅成
一詩句擊節朗咏曰憶昔曾遊地淫佚國雖
亡江山如此好無罪義茲王蓋其詩意憶昔

洛王曾遊地以遙佚國雖破亡江山之好如此義茲王之留連固無罪矣至今聞者莫不捧腹噫明經被選者乃至於此國家取人效果安在哉

光海時大北當權廣樹私黨不文者皆登科嶺南吳姓者亦得及第為翰林乘駟上路行到島嶺憩于樹陰下時霜風殷葉暎于水中適有一書生曰翰林玩此景物可以佳篇模寫翰林沈吟良久遂吟曰岩下丹楓水下同頗有自得之狀因謂書生曰君能次之手書

生心竊笑之郎對曰翰林風月本孔同郎依
語肚門之稱也翰林怒曰君談我則甚矣世
間元無幼學翰林蓋嘲書生之為幼學而誇
已之為翰林也人皆傳笑噫世之不稱其賤
者滔之何獨翰林也哉可慨也夫
鰲城府院君李白沙恒福自少喜談諧常有
備局會議諸宰咸集而公獨後至或曰晏也
公曰適見羣闔不覺未遲或曰闔者誰也實
曰宦者捫僧髮僧握宦者臂相闔於大道中
耳諸宰絕倒公之此語雖出於稽稽蓋見時

事多尚虛偽故略寓規諷之意

西平府院君柳川韓俊謙有四婦曰李正幼
淵次曰呂叅判甫徵次玄谷鄭監司百昌次
綾陽君郎 仁祖大王在潛邸時弼也西平
常各作別名以戲之皆用字戴冠者以李稱
牢之稱呂家之稱鄭密之 仁祖寵之鄭嫌
其比之於蚤常恨之及西平被竄玄谷謂西
平曰聘君曾稱我密之聘君則今為竄之矣
盖以八穴鼠譏之西平不覺發笑

裴仁範

明屆朝名武也膏為兵使有一卒

姓名甘真疎者乞暇兵使覽畢笑曰甘真疎
所謂負柿猫也盖方言柿字釋音甘也負字
釋音真也猫字釋音疎也仍顧於諸幕官曰
汝輩能得此對乎一人跪曰對則有之惶恐
未遑兵使曰第言之其人郎曰裴仁範郎戴
梨虎也盖方言梨字釋音裴也戴字釋音仁
也席字釋音範兵使大笑之優賞之一時聞
者多裴之弘量

洛州具叅判鳳瑞嘗注其友羅叅判萬甲家
有客在座先辭退具問客何為者羅曰奉常

奉事奉上誠奉慈殿奉審去仍曰一人兼五
奉字可有其對乎具應口對曰羅州羅將羅
萬甲羅市浦羅鉢吹去一人兼五羅字此非
的對才蓋羅將俗語良隸之稱羅市即羅州
浦名羅撫並無以應一座絕縷

老子曰聰明睿守之如愚莊子云震乎才
其不才之間吳興廣曰才者驕之器也忌之
府也禍之媒也蘓子瞻詠生子詩云人皆養
子望聰明我被聰明誤一生但願生兒愚且
魯無才無德到公卿噫才者人之所共願有

而古之人若是其願為不才者何也豈不以
處才不善則反不如無才之為愈也世之少
有才而未聞道者亦可知我
陷人傷人莫過於說古人聽謠詩曰謠言慎
莫聽之禍殃結君聽臣當誅父聽子當決
夫妻聽之惟兄弟聽之別朋友聽之疎骨肉
聽之絕堂八尺軀莫聽三寸舌上有龍
泉殺人不見血此詩不知何人作而詞意明
且切與周采荅荅伯之篇楚辭哀郢懷沙之
賦李白虛謠之詩鄒衍梁獄之書前後一揅

也古今傷於謬者亦不得辨焉良可慨也

卻平秦時東侯也漢高帝登極後平失職賣

瓜自食蕭何沛邑掾吏也卒為丞相封鄼侯

食邑獨多秦時東陵千戶侯華虫被體腰蒼

璆漢初沛邑刀筆吏折腰如磬頭搶地蕭相

當初謁卻平中庭百拜百不應卻平後來謁

蕭相故候一拜一怡悵蓋言人之富貴貧賤

各自有時卻平尊貴之蕭何見賤蕭何煥赫

之時卻平因屈世間翻覆本無常也自多富

貴而輕視貧賤者可以此詩為鑑也

世人多有籍父兄之勢，眩侈滅義，蹈踐貧寒，
只知權勢之可誇，而不知禍患之來，隨至。抗
敗家亡身，而莫之悟者，哀哉！張東海有詩曰：
父兄勞於官，子弟逸於家。一逸已過分，况乃
事奢華。軒、轅、傲閭里，僕、趣縣衙。不知禍所
倚，方謂勢可誇。勢亦有時歇，禍或來無涯。不
如慎德業，庶幾永無譁。此必有感，而作貴遊
子弟，可不以此詩作鍼砭，救病源歟？
余嘗僑居路傍，日見馳軒躍馬者，竟夕奔趨。
唐肩來，泚若相追逐。余喟然曰：曾聞卻克夫

詩曰輪蹄交錯暫無停來若相退去若爭想
得胸中無別事苟非干祿郎干名每嘆句詔
今見襯逼路上奔波之客政共此詩相符雖
使善畫者模之豈能狀得物態若是之妙耶
人之治產業者免飢渴備寒暑斯亦足矣良
田萬頃日食二升大厦千間夜卧八尺何必
為身後子孫計勞心焦思終歲窮年孜孜為
利哉白香山有自警詩曰蚕老繭成不庇身
蜂飢蜜熟屬他人須知年老憂家者恐似二
虫盡苦辛直達人知命之言耳即此而言一

身之外萬事萬物皆非吾有彼苦身死、抵
死不悟者獨心也香山此詩自警亦足以警
世矣

保和湯修身三部經三叟訣專治醫所未能
療一坊之疾俱古人收心養真祛欲近期之
妙訣也得之斷簡中并錄而傍覽焉

保和湯

思無邪

行好事

莫欺心

行方便

守

本分

莫嫉妬

除狡詐

務誠實

順天

道

知命限

清心

寡慾

忍耐

柔順

謙和

知足

廉謹

存仁

節儉

處中

知幾

保愛

恬退

守靜

陰陽

戒殺

戒暴

戒怒

戒貪

慎獨

右三十味吹咀為末用心火一杵腎水二

碗煎至五十分不拘時溫服

修身方

孝順

十分

肚腸

一條

慈悲心

一片

溫柔

半兩

老實頭

一個

道理

三十分

忠直

一塊

陰德

全用

方便不拘多少

右藥用寬大鍋不可焦了火性取出為末
用波羅蜜為丸如菩提子大每日三思用
平心湯送下百病立效切忌損人言清行
濁暗中用箭笑裡藏刀撥草尋蛇無風起
凡有百惡味切須忌之

三部經

忍

方 依本方

太白真人曰世人誦經皆求福免灾咎
口與心違徒誦何補是求其外而不求內
也余有三部經只六箇字經文雖簡功德

甚大儒者誦之成聖道士誦之成仙和尚
誦之成佛但要體忍奉行這三部經不在
大藏只在靈臺方寸中若人能誠心受持
病亦不生災亦不至自然獲福若不在其
身必在子孫身

三叟訣

道逢三叟者高壽比神仙問叟何以壽
叟曰誦予傳上叟前致辭大道抱天全中叟前致
辭寒暑順節宣下叟前致辭百年半單眠是
為三叟訣所以能長年

按此訣乃楊太史維廉所著元會稽人也

養性保命

視聽言動皆耗散精氣之原故釋氏面壁仙
家坐閑皆等苦行以防耗此精氣便是長生
之術也

去暴怒以養其性少思慮以養其神省言語
以養其氣絕嗜欲以養其精軟蒸飯爛煮肉
少飲酒多獨宿

避色如避讐避風如避箭莫喫卯時酒莫喫
申後飯油盡燈滅髓竭人已以不寒為溫以

不飢為飽以無辱為榮以無禍為福人之遊
世如此足矣你福不如避罪服藥不如忌口
爽口味多你疾快心事過必為殃

身閑不如心閑藥補不如食補富貴不知止
殺身飲食不知止損壽

福生於清儉道生於安靜寔生於多慾禍生於
多貪風流得意之事一過輒生悲涼清真寂
寞之鄉愈久轉增意味

悔戒酒後諸忌食時嗔忍難耐事順不明人
勿使悲歡極當今飲食均再三防夜醉第一

戒朝嗔夜靜鳴天鼓晨興嗽玉津妖邪難犯
已精氣自全身若要無諸病常須節五辛安
神宣悅樂元氣保和純壽大休論命修行本
在人若能遵此理平地可朝真此十句可當
一部壽養

立身行已

薛氏曰大丈夫心事當如青天白日使人得
而觀之可也

人生一日或聞一善言見善行行善事此日
方不虛生

仁厚刻薄是修短關謙抑盈滿是禍福閑勤
儉奢惰是貧富閑保養縱慾是人鬼閑
勤是無價之寶慎是護身之門

貪利者害已嗜慾者戕生肆傲者納悔諱過
者長惡邵康節曰聞人之惡如負芒刺聞人
之善如佩蘭蕙

黃山谷曰百戰百勝不如一忍萬言萬當不
如一默守口如瓶防意如城畫帛畫皮難畫
骨知人知面不知心儘知言

君子擇而後交故寡尤小人交而後擇故多

尤

魏王昶言救寒莫如重裘止謗莫如自修和
靖尹氏曰莫大之禍起於須臾之不忍不可
不謹屈已者能委衆好勝者必遇敵欲人無
聞莫若勿言欲人無知莫若勿爲
薄施厚望者不施報貴而忘賤者不得久以
愛妻子之心事親則無生不孝以保富貴之
心事君則無生不忠以責人之心責已則寡
過以恕已之心恕人則全交
張無盡惜福之說曰使不可事盡勢不可倚

盡言不可道盡福不可享盡

陳搏曰快意事不可做得便宜處不可再涉

得意處早須回顧

張思叔左右銘凡語必忠信凡行必篤敬飲

食必慎節字畫必楷正容貌必端正衣冠必

肅正步履必安詳居處必正靜作事必謀始

出語必顧行常德必固持然諾必慎重見善

如己出見惡如己病凡此十四者皆我未深

省書此當左右朝夕視為警

處家理物

孔子三計：一曰一生之計，在於修身；一曰一年之計，在於春；一日之計，在於寅；幼而不學，老無所知，春而不耕，秋無所獲，寅若不起，日無所辨矣。

良農不為水旱而輟耕作，大匠不為拙工而改繩墨。

積金以遺子孫，子孫未必能守；積書以遺子孫，子孫未必能讀；不如積德於冥冥之中，以爲子孫長久之計。

遺子千金，不如效子一經；養身百計，不如修

身一藝至樂莫如讀書至要莫如教子至富
莫如蓋屋至窮莫如賣田

事雖小不作不成子雖賢不教不明胡居仁
家甚貧郭衣單食藁之泰然曰以仁義潤身
牙籤潤屋是矣

蘓東坡曰無故得千金不有大福必有大禍
梁蕭允曰禍之所來皆生於利苟不求利禍
從何出

陸宣公曰不節雖盈必竭能節雖虛必盈
教子自張教婦自初來

溺愛者受制於妻子，患失者屈已於富貴。
糟糠之妻不下堂，貧賤之交不可忘。
有恩無威，慈母不能使其子；忍所不能忍，容
所不能容，識量過人者能之。
遠水不救近火，遠親不如近隣。著書忌早處
事，忌擾立朝，忌巧居室，忌好又曰：飢信粗旅，
奴病信藥，老信書，山棲是勝事，稍一縈戀則
亦市朝書畫是雅事，少一貪痴則亦商賈杯
酒是樂事，少一循人則亦獄好客是訟達事。
一為俗子所則亦苦海。

居官莅政

當官之法唯有三事曰清曰慎曰勤知此三者則知所以持身矣

正以處身廉以律已忠以事君恭以事長信以接物寬以待下敬以處事此居官之七要也進一步思一錢退一步要一錢不直一錢得意處早回頭到處行亦便

狐丘丈人謂孫叔敖曰人有三怨子知之乎爵高者士妬之官大者主惡之祿厚者怨處之孫叔敖曰爵益高心益下官益大志益小

祿益厚施益博其免乎當官者先以暴怒為
戎事有不可當諱妄之必無不中若先暴怒
只能自害豈能害人

好義如飲食畏利如蛇虺居官如居家愛民
如愛身

國之將興必有諍臣家之將興必有諍子

立朝務正大不宜阿附

奸女入室醜女尤之忠臣入朝奸人仇之

甘井先竭直木先伐舌存以軟齒亡而剛太
強則折太柔則廢

猛則濟之以寬太猛則民殘寬則濟之以猛
太寬則民弛居上位不可凌下居下位不可
慢上

事雖細微必謹閑防事有疑似當避毀謗子
弟不可干預公事牙儈不可出入私宅

所惡之人防其害已所親之人防已賣已治
官事如家事愛人民亦赤子正已而御史
戒貪污如仇讐防私謁如防盜非理相加處
之以忍禮貌相及承之以謙

留有餘不盡之巧以還造化留有餘不盡之

財以還百姓留有餘不盡之福以還子孫

余觀夫推命家其方不一或以五行或以子

平或星曜或以紫微其論說吉凶符驗者固

多余惟思之甲子正月初一日子時至癸亥

十二月三十日亥時其間雖閏朔及大小月

而一周之內造命數該二十五萬九千二百

惟明鏡數每時各分初中末厥數三倍於此

而亦不過七十七萬七千六百天下之人其

數無限則同年月日時生人亦不其幾許壽

夭窮達豈能如一余竊惑焉昔唐神堯興丹

丘子同年月日時故疑其與已爭鹿袖鈕訪
之其後神堯御宇丹丘登仙宋太祖與陳畱
南同年月日時畱南出自華山有畱天下之
志聞趙點檢已登極大笑墜驢歸山修道上
昇蓋人間尊貴莫過於天子而曆數有歸天
血二日丹丘畱南修道飛昇不謫萬乘之下
帝崇與仙道雖似不同人間帝王天上神仙
其尊高則可謂彷彿矣

余近閱皇明小說高皇帝即真欲驗運命之
說命數星士遍行天下求得年月日時共聖節

同者遂召至京師問曰汝何為者曰村氓曰
家富乎曰貧甚無一畝之產曰然則何以為
生曰臣惟養十三窠每年割所養蜜貨以自
贍耳上笑曰朕為帝十三有布政汝為編氓
有十三窠蜂衙亦一皇帝也蜂每窠必有一
王大小雖不同其所統轄亦無異也孰謂命
不足信乎乃賜以酒食而遣之又按一說明
太祖皇帝遍訪年月日時同聖節者有一人
來謁上問其平生所為對曰臣生而貧賤行
乞糊口上曰我為天子爾為乞人何其窮達

顯殊耶其人曰臣雖乞飯盖有恠底事矣上
曰何如對曰臣每夜夢為天子宮室城郭之
美宗廟百官之盛殆與陛下彷彿矣上覽然
驚曰運命之說果不誣矣晝為陽夜為陰我
從陽界而享萬乘之尊爾向陰界而有南面
樂我之晝即汝之夜汝之夜即我之晝則天
豈不以我主陽界以爾主陰界耶遂厚禮而
遣之按車天輅所著五山說林我朝成廟
嘗令日官訪問上躬同命者遍求國中有常
漢女與上命相同而家甚殷富甲於都中

成廟召致宮中問曰爾平生苦樂何如女曰
賤臣自幼聰慧臣父切愛之而嫌其所出甚
微賸賤于主家嫁得良夫未久見背惟以涉
文史為事耳上因問其免賤之歲即上
踐祚之年也其喪夫之日即中壺昇遐之辰
也上異之曰諸般事皆與予略同信乎命
數之不差矣仍笑曰但余則有後宮十數輩
爾有甚事女俯伏笑荅曰賤臣素性繁華亦
有如武后男妾者數十人上撫掌大笑曰
此則相同可謂男中有予女中有汝仍厚賚

而送之以觀之十三布政十三峰衛陽界萬
乘陰界南面踐祚免賤喪后哭夫後宮男妾
雖大小陰陽其各不同亦有彷彿者何其異
哉噫自有推步之法世皆以吉凶禍福都付
於命而聖門之訓曰禍福無不自己求之者
積善積惡殃慶類應凡百君曷不已自修為
本也哉

古語云有已定之天有未定之天已定之天
者命分一定而不可移易者也未定之天者
世變多般而不可逆測者也若漢之鄧通有

餓死之像文帝錫之以銅山欲富之卒不免
絕食之遼晉郭璞有凶終之厄禱於廁神以
禳之竟不脫王敦之害饒州貧士多具紙墨
而雷爽薦福之碑魏公鰥客許以侍兒而先
結死禍之前后妃主中壺則宜無虫歟之虞
而鹿代王右隕命於死虎之爪大君殿膏澤
則不逮醫藥之鍼而我朝廣平莫救於咽喉
之塞若此類者卒由於已定之天而非智力
所可圖也噫世之昧者或譎神而度厄或禱
神而祈福妄亦分外之事徒自勞撓其心祇

見其不知命也是以君子德行義一聽於天而已

裴榆帖寺靈運書

某白靈運上人師榆帖寺名僧也頗敏慧善楷書余於表訓寺事蹟多其筆跡欲一識面久矣迺今為住持時四月維夏涉鴈門數丈而來問曰聞夫子一國文宗此山諸僧無不得者寶唾者獨貧道未也專來乞言以海蔬芒鞋白楮輒微忱者瞋行也非敢潤筆資也余笑曰余有一言欲鳴者不平蓋因子奮筆

乎余平生喜獨古人書粗識義理之重於榮
祿明哲保身之貴於不見是圖故立朝三十
年持論務緩不喜高論以要權蓋朝廷執論
剛者其論緩柔者其論高剛柔反性而禍福
随之何也執事者欲緩論免禍當陰者挑高
論強其所不欲柔者唯之如流聽彼指使高
者頑之自執不失所守余性剛自守已見不
曾枉已而從人剛其心柔其言一以直其事
一以自免於禍故平生尚友故人恥與恒人
朋此東西南北無一私黨榮宦之來任彼不

自力蹤跡之孤莫我若者當戊申新王薨即
祔適余忝都承旨進主自祖宗進主承旨陞
階例也余於其時祇受大妃殿教蓋先王
遺教于七大臣及先王臨終亂筆大君事
及大妃諱書先王行狀事及山陵事也
以此被劾按言官祇受國母之傳旨先
王之遺教是何等大罪而鄭廣成崔有源輩
乃復攘臂肆言而劾之是無他蔑視國母
廢黜之兆自此萌也余甚痛之非爲私也自
此守牖私第又轉而流落高興五年之後曰

先王朝有微勞陞一階尋又因扈從南中
加一資居散職四五年萬曆丁巳戊午年
間忝金吾推官時李顯門許國牧大妃有
獄余議其獄曰顯門抗疏不足深責鼎圭大
非之曰以函疏稱抗疏是褻顯門也其議許
國曰許國愚騃鄉里不齒渠安知國是承宗
曰異哉文章善救於不救之中議鄭文翼推
戴之獄曰海民雖鴛豈曰無人而推戴愚夫
爾瞻聞之恕曰刮席之君猶尚推戴君之愚
奸人之福也論尹廷稷崔有石曰廷稷更無

毛王朝有微勞陞一階尋又因扈從南中

職四五年萬曆丁巳戊午年

官時李顯門許國牧大妃有

曰顯門抗疏不足深責鼎吉大

非之曰以函疏稱抗疏是褒顯門也其議許

國曰許國愚騃鄉里不齒渠安知國是承宗

曰異哉文章善救於不救之中議鄭文翼推

戴之獄曰海民雖鴛豈曰無人而推戴愚夫

爾瞻聞之恕曰刮席之君猶尚推戴君之愚

奸人之福也論尹廷稷崔有石曰廷稷更無

萬曆丁巳戊午年
九年十月

問宜放送有石其父死而不服宜不施連坐
之典許國文翼迂複皆因此免死而獨有石
則卒不聽吾救顯門則死於三軍之後余已
去職矣此皆詳載推案非敢誣也當其時
議譁然咎我以獲送故李慶涵柳澗韓續男
尹銳皆蒙訓勞之賞各加一級而余獨否也
盖因緩_{子孫}辱而然也且余忝銓也時論欲起廢
事郎官請以闔擬大憲其草空一望不肯書
余強折之擬以他人及正書復空一望強之
曰都憲是一國靈望既書而墨之是杜人望

也決不可也終不聽時輩以此啣之噉宋永
緒論竄我噉閔藻論竄點我噉金祖疏之
亦如之噉金允譙疏之亦如之及其終也噉
李時亮疏之請鞠於金吾前後五六人皆廢
黜之疏軍也時許筠首倡其論而安憲仁誣
告之獄起余方春遊南麓聽栢舟鹿鳴之唱
而自公召之急余於道中醉占一絕於公廳
上索紙筆書之其詩曰滿城花柳擁春遊玉
手停盃咏栢舟壯士忽持長劍起醉中當斬
老姦頭時當爲若惡之筠自知指已以老姦

而甬瞻推之於承宗承宗讓予於甬瞻三姦
皆怒為惡言上聞閭啖從兄李時亮乘釁上
章將成詩案之獄會蒙天神所扶護幸而免
至今落拓山海甘心也尚誰咎哉大抵余之
廢逐自取也在人孰不知之當廢黜收議之
際不苟從國論不問於時輩不謀於僚友思
欲不害於義免撓於禍而止也則獻其議曰
古人有言曰朝廷有三一曰大_臣二曰臺諫三
曰侍從論思大事自有三者非庶官輕議以
此致馮雷之怒順受而不辭者昔文王聖人

也太顛賢臣也猶以海珍解美里之厄今余
內聯椒掖之親非一權昭儀外家功戚趙昌
漢姻婭之近習以終不以邪經求教坐忍六
年之飢余粗有所受恐負平生所讀之書也
矧乎言出性情邪正之攸分豈忍方心圓口
以自欺耶凡所述作盜其筆端略不畏忌也
故爾瞻價詔使求別詞於余其序曰自主上
臨御以來十四載于今沈淪散地不得拜外
廷末議者七年身嬰罪罟閉戶於終南樊廬
放浪西湖漁釣之後者已積四年雖欲與公

曰是曰非拉朝堂奈雲泥路隔視朝廷風馬
牛何我又曰性不喜持論過為幸自直排
胡家不持父服之儒為賊焰妖疏所中云胡
致堂生不為父所舉伯父安國育之及長不
持父服且言唐朝不殺武后為非故論廢殺
皆以胡氏之論為口實故也又其別詩曰緣
何正藝紀無訃疏罷檣孔神生死錢多臭官
僚銅文風日彫良士學故瘖聾李大燁永水
鏡堂記其文曰酒酣興闌倘然如夢見崖之
之底有礎有砌向上瓦縫在下扁題左書壁

間畫畫皆外而左又曰微風興長吹作向之
森羅眼底者漫漶而有止焉但見江山定位
雲物得所未知向之所覩夢耶真耶柳希發
月波亭記曰觀月之闕於肱肱而冲於肱肱
君子以知盈滿之可戒也觀波之涵於涵潦
而蕩於風濤君子以知物欲之可淨也至若
分清光於白屋及餘瀾於四荒使天下同得
之物毋作我一家之私則斯亭之月也皆在
吾方寸之中以是以貢之吾君豈不為萬世
清明之治乎趙國弼恩波亭記曰今觀漢上

之隣斯亭者東曰水月駙馬之所度土南曰
狎鷗寧相之所胥字水月不係於椒掖鷗鳥
豈伴於權貴俱不稱其實允矣公之名亭也
玩物而不忘君其忠矣哉其送宣時翰序曰
今者欲由科舉乎不由工拙論議之枉直干
謁於有司以自銜是乃為乎設令得中欲為
臺諫乎所論非所志枉已而從人是乃為乎
欲為論思乎同列無可唯諾論難無所曉解
苟合時議以取容是可為乎欲為守令乎順
上司命令以應無藝之求以毒我無告之民

守令不可為也欲為監司乎順朝廷橫科急
征督列邑暴珍生靈監司安可為也欲下為
編裨以助軍旅乎則不可疾視中國之顛隤
不奮橫草之義也欲上而為元帥則不可願
不戰之民甚於弘立景瑞之為也於此於彼
都不可為則求所以進取適足以貽害於身
云如此等作務直其言盜觸時諱不媚於權
貴不怵於威勢可知也不幾於君子之言乎
庚申辛酉年間余退在西湖有詩曰滄水年
々聞款乃金宮何處悲呼耶交際肯聯椒掖

中令不可為也欲為監司乎順朝廷橫科急
征督列邑暴珍生靈監司安可為也欲下為
編裨以助軍旅乎則不可疾視中國之顛隤
不奮橫草之義也欲上而為元帥則不可頌
不戰之民甚於弘立景瑞之為也於此於彼
都不可為則永所以進取適足以貽害於身
云此等下務直其言盜觸時諱不媚於權

勢可知也不幾於君子之言乎
間余退在西湖有詩曰滄水年
宮何處死呼耶交際肯聯椒掖

下三子
花中子
花中子

裡文章著售鳳池中希奮聞之大愠其題白
雲書院曰丹碧玲瓏林外高齋房甬樨送英
豪自註曰逆迎也又曰危言林下出高蹟卷
中稀山人元朴直後學敢曰依自註曰曹南
真疏曰慈殿雖塞淵不過深宮寡婦其時處
土成守琛曰向國母何敢葬此謾語其後廢
黜之論果出於其門生也沈宗直見而歎曰
所見甚高能見人所未覩其在松泉精舍有
詩曰尸寢日高罷晴窓終夕閑豁雲穿樹過
山雉入庭來糲飯不盈鉢草書時撥灰誰從

魯三氏低首作家陪三氏指三昌也松泉棟
古曰燕山昔浩蕩當帝萬機拋夏誦敢懋德
義卜龔凶爻遺蹤釋子吊古事嘲人嘲是余
不言似有先見詩友哉汝學盡次其作而此
獨不次亦似避嫌也如此等詩信手所題夫
豈怯々然畏首畏尾懲羹而吹虀哉然則權
輒之死曹友仁之刑邊應垣之謫曷可以威
而惕人乎哉最可畏者言出性情動有後驗
詩識之應初出於不自覺昔余有詩曰峰入
斗牛雲半腹壑無今古雲千層宋英耆仰天

三訊曰子其貴也壽也夫曰子何以云爾耶
曰後日驗之而後知吾言不誣也子其識之
余在京師題僧卷曰髻頭方髻夏皆骨欲過
冬病絕齋盂粒形如臥壑松吾錫洪瑞鳳曰
舅氏文章與天通也始作此詩豈知過冬皆
骨大病如此我且送奏請使柳澗由遼路往
也贈詩曰漱水猶堪漂穴螳東畝須趁白頭
盟及其畋涉海淦死不還姑覺其詩為語識
也至水鏡堂江山定位之語南麓聽歌栢舟
壯士長劔斫老姦等語當初醉吟豈料今日

有此慘禍也哉良可寒心雖欲捫舌得乎以
此觀之六七年間懸命刀鋸一家喘而邊
浪湖山自娛於烟霞水月狂言悖句噂咄不
顧忌人命之在天不在人此可知也所可幸
者昔余於庚申年寒食掃墓往西山過高陽
途中懷幼時友李貴作一絕曰天下皆如李
貴愚淳凡猶可挽唐虞囊中尚有金蜩蛸故
作田園老大夫柳塗見此詩笑曰子以李貴
為愚乎天下黠者也渠何以挽唐虞之淳風
今而思之所謂淳風挽唐虞者可占吉語也

或者新王^仁能有以復古之治乎師其徵
諸異日我余雖辭山向洛豈久於塵中姑將
琴書衣袋付諸寺僧而去後日之來當卜地
於外山日與師源^二師其候之我師善宿者
也我有私藁數十卷可因師以畀壽後也乎
涼有望於師

留別天德庵法師法堅序

法師湖南產也十四通經涉史暨子孫文義
洞然凡州邑試戰藝克有捷數奇彙其業入
山為緇髡又博記禪教訣錄為空門大師四

方學者無問儒釋從之如輸委亦既遍遊青
丘名嶽遂取勝宅枳恒山雲移輪轉子諸庵
已有年紀天啓中余不偶來世卷家小授此
八經月會京師有愛見光海名官將不安山林
挈之西徙法師携松花饅薑椒餌酌山葡萄湯
如流浚把酒叙別且求別辭余慘手問曰昔
晏子不死內雉子路結縵死之伯夷餓死首
陽太公膺揚牧野商受暴主也而其亡也聖
人去國昌邑燕山之廢死鄣無人荀息之死
奚齊為白圭之玷荀彘之死漢室殘譏其太

晚建文之禪 魯山之出宗社如舊而一縣
盡死六臣不屈死生去就君子之大節我何
以處之且我平生所著述續梅月堂集何如
法師曰從違之分各有義理義理之歸俯仰
懸焉人生浮世卽須更焉耳况白首乎夫子
宰相也焉得自由盖有命存焉去歲之病幸
而不亡天也幸亮之義理之與此且子文章
太富如欲壽后恐公私之財力不裕自今精
鈔以約之余曰嗚呼噫我知之矣吾今老
矣於世何如哉當與子遍枳旦諸庵以終吾

餘年遂舉山葡湯相屬以為暫別

遊寶蓋山贈靈隱寺彥機雲桂兩僧序

彥機雲桂兩僧也

萬曆三十四年余與機

相遇於香山普賢寺時機從松雲大師受學

者也

萬曆四十六年桂客我松泉精舍得

我詩者也

天啓三年夏余入寶蓋山靈隱

庵見兩僧兩僧驚問我自何來余曰去年秋

九月余入金剛山訖終老也越十月家累自

京師來山寺救危病也越明年四月辭金剛

西行因艱食也行到豐田送家累還京有人

餘年遂舉山葡湯相屬以為暫別

遊寶蓋山贈靈隱寺彥機雲桂兩僧序
彥機雲桂兩僧也 萬曆三十四年余與機
相遇於香山普賢寺時機從松雲大師受學
者也 萬曆四十六年桂客我松泉精舍得

天啓三年仁詔印

年十一

天啓三年夏余入寶蓋山靈隱

僧驚問我自何來余曰去年秋

剛山訐終老也越十月家累自

京師來山寺牧危病也越明年四月辭金剛
西行因艱食也行到豐田送家累還京省人

口也路入茲山解裝休僧舍穀稍賤也聞之
行路舊君廢余聞之不甚驚者已見於事之
先也又聞新王立革亂政敷仁惠民庶矐
如也聞之不驚賀者飢者易為食猶以齊王
也而僧疑而詰之曰吾儕山人也自古過歲
金剛雖寒士猶難况宰相乎既曰移山復何
為此當今新聖御國求官者如歸市又何
為徘徊中路乎曰余老妄人也向之入山非
輕世也樂山也今之去山非為官也乏食也
留此山非愛山賤穀也物久則神人老則耗

避禍先六載神也見利不疾趨耗也前年處
仙山高也今年投野山俗也泥而不滓潔也
有食役之累也吾何處之哉其惟才不才賢
不賢智與愚貴與賤之間乎右三篇在文集
柳夢寅在廣朝曾經吏曹參判及仁廟反
正東西轉徙不恒其居時人初不知其所在
或謂之亡命旋得於西山西山乃楊州里名
委官向曰汝何為亡命夢寅曰光海之必亡
婦幼皆知新王之有聖德奴隸亦知我豈
有他意哉其間哉我本非亡命但往在西山

耳委官曰爾之西山之說我亦解聽矣使武
王立箕子為天子夷齊復入西山耶夢寅默
然良久曰我膏你寡婦詞以見志以此為罪
則死無所辭乃誦而告之曰七十老孀婦端
居守空壺慣讀女史詩稍知姁姁訓儻人勸
之嫁善男顏如槿白首作春容寧不愧指粉
諸相欲活之勲臣金塗曰不殺夢寅則效尤
而不欲立朝者必多隄防不可不嚴竟論以
逆律夢寅自歸於堂有文集行于世此段在東
平日記言其詳連於戊辰之獄家乘考之
則京參夏八月而非戊辰獄明而以庚

公之子修撰公諱淪與竒自獻諸人入於時
人之誣告八次刑訊終不誣服而死於行徑
中時則癸亥初秋而於于翁被禍前一月也
自獻則械囚王府竟入於甲子亂斬而公乃
不論於自獻輩見原之時者以其有先人之
事以然也 英廟庚申年上御經筵向于入
侍諸臣曰柳夢寅伸寬乎有一承旨臣錯認
古事而對曰似已伸寬矣 上曰然此古之
名臣也仍問曰有後孫乎對曰後孫則未聞
而今兵曹叅知柳憲即其傍孫云矣 上曰

八侍俄者出直而掃墳于郊外矣 上曰置
之云々

傍孫柳榮道歷叙其本末而跋于下曰公生
而能文章少遊於牛溪之門諸公無不以詞
家宗匠推詡之 宣廟己丑魁十三人增廣
癸巳帶春坊文學之任而出迎天使于境上
于時中朝士大夫皆師陽明之學而天使之
來大有所夸張者 上命特諫一代文學之
士而注辨其謬公與月沙李公秋浦黃公膺
是選與講大學經傳義引程朱遺說而發明

其歸趣天使頓改前見而稱賞不已俄而

朝家簡仁穆王妃以定母儀公製進其丹

封教文而自是後清班顯職無厯敷逮戊

申大漸時以都承旨人聽遺教傳于七大

臣而被勃於時輩落拓散地垂四五年大君

遭禍公遂無意於仕進矣丁巳戊午年間諸

凶將起廢母之論公作一絕詩識之南麓相冊

詩也以示筆誅之意又嘗立異於廷請遂見逐

於甬瞻而放浪湖山已多年矣癸亥春在柵

岳聞仁廟改紀雖隨衆向洛而其所不仕

之義則已定于心草序與僧庵與法天德微蕨

其端而行到寶蓋山題寺壁以孀婦詩一絕

抵旬邑過國門不入直之西山先墓下隱居

為時論或補以亡命而削奪其爵而已知其

在西山招致王府詰其所由則曰先海之必

亡今王之有聖德我既知之則又既有之

命之理哉但以自精之義往于西山身因上

其實蓋山所題詩末乃以伯夷之不事方孝

儒之盡節為對獄之辭諸大臣原其心事而

欲活之勲臣有忌之者竟論以重律嗚呼公

之明見既壽立異於廢世之論而見黜於昏

朝則似若無為昏君立節之義而但其平昔

所定只知有一天而不知有二君故始雖見

棧而作終乃全節而死此豈非古所謂進退

存止而不失其正者耶
新聖御極
先朝

耆舊之臣莫不來王而公獨棲遑郊甸長吁

而不進者可見其素之難惟一遵乎臣道之

常也使當時按史之臣置之而不問則不過

如梅月堂之終老山林而止耳其亦有光於

聖朝包容之德而廷議多歧欲奪其操而

不得則加之罪名歷觀前古節死者何限而
豈有如公之至寬者乎不特此也觀於公之
遺集又嘗春之乎春秋之義凡於事大之誠
斥和之論未嘗不自任而自勉焉如使公生
值崇禎之末沁都殉節之舉不必專美於後
賢而罪籍先及未能闡發其本志者其亦命
矣夫最可恨者公之文章氣節卓絕當世
或有媚嫉者及公之死從而構誣如此輩人
固不足言而函枉未伸使千仞壁立之節尚
置後世點昧之科九泉之冤鬱私家之私痛

曷有其極經歷屢朝公議不泯而真蹟未
明人皆難按終達故撮其大要則錄之如
右惟待今世之心公眼明扶倫常而樹風聲
之君子然後庶可以伸其萬一也


甲寅十月初一日春川幼學柳榮道上言
傳曰風雨蕭蕭拂釣磯渭川魚鳥却忘機如
何老作鷹揚將空使夷齊餓採薇云々鷹揚
此靖難勲臣夷齊此以自况者故姜士金時
習題渭川垂釣圖詩意也大抵臣之忠女之
貞一也君雖無禮臣不可以不忠每猶夫雖

不良女不可以不貞也故屈原以楚懷為君
而方其行吟澤畔哀怨悲弔也輒皆以夫婦
此况此故叅判柳夢寅老婦詞深得推騁遺
意也與時習之詩為伯仲而可使若臣若女
之懷二心者顏黻髡也等是鄙介慨慷與從
容之間不作軒輊之從容此慷慨為尤難向
於夢寅伸宣判語中特拈時習一人於端
廟諸臣中者蓋有以也夢寅嘗佐銓衡而踏
文苑矣和光同塵何官不做而顧乃歧貳幽
論屢脫名利甘自攷於山巔水涯之際與韻

釋恬僧期獵結夏此時習之傲世近俗永矢
不故之清狂本邑及乎致逮對吏西山一語
宛轉雍容有時習渭川詩一般氣味尚論之
士其可以時習之靈獄夢寅之皆骨差殊規
耶若使當時掌獄之臣觚聖朝寬大之辭教
教置夢寅於勿問之科任其所之則決知其
採西山薇飲西山水以終其身如時習之
不受黥瑕畢命水落之為矣時習夢寅彼二
人所慕者夷齊一生一死之不同特逃耳時
耳腔子裡沒容取義之赤血丹忱百戰相照

無絲毫之出入則朝家之所施於時習者不
可施於夢寅耶且予徵其橋之謄行於世者
見之詩文幾篇太半是雅騷壹鬱不平之鳴
掩卷興感欲施加茅嘆異之典者久矣除見
族孫蹕路呼籲蓋知其子與侄之狀實其子
淪與其父同死其姪潔不仕昏朝脫帽逃入
於世閑及其叔事出坐竄未宥亦可謂是子
是姪曾所欲施者何必更有鄭重故吏曹叅
判兼藝文提學柳夢寅贈秩正卿賜以美謚
其子淪復官其姪潔亦贈堂上三品職勿論

度支勲府凡係沒入之贓獲計即出給用故
忠臣朴簏例仍令諸柳就傍派中定其嗣孫
奉其香火



卷一

目錄

卷二

卷三

卷四

卷五

卷六

卷七

卷八